

欽定大清會典圖

欽定大清會典圖卷一百八十四


輿地四十六


福建省全圖

福州府圖

泉州府圖

福建全省圖





福建省在

京師東南閩浙總督福建布政司共治焉。統府九
州二。福州府西南興化府永春州泉州府漳州
府龍巖州汀州府東北福甯府西北延平府建
甯府邵武府海在省東及南。東北接浙江溫州
府界。西南接廣東潮州府界。閩江二源。東曰東
溪。西曰西溪。東溪東源曰松溪。自浙江處州府
西南流入界。經建甯府南。西源曰崇溪。出府西
北來會。是為東溪。又經延平府東會西溪。溪上
承江西廣信府北溪及建昌府大溪水合東南

經邵武府為富屯溪合金溪太史溪為西溪又東與東溪會。又東南合尤溪經福州府西南為建江合大樟溪入於海。木闌溪出永春州西東流經興化府南而東入於海晉江出龍巖州東屈東流經永春州西泉州府南而東入於海。九龍江出龍巖州二源合南流經樟州府東南與府南大溪小溪並入於海。鄞江出汀州府北屈東南流合連水入廣東潮州府界黃崎河上流為交溪合託溪后溪南流入於海貢水出汀州府西西流入江西甯都州界東及南至海西至


江西界。北至浙江界。西南至廣東界。


福

州

府

圖





福州府為福建省治。至

京師四千八百四十五里。領縣十。治閩縣侯官。東南長樂福清。西南永福。西北閩清古田屏南。東北連江羅源。海在府東。南北接福甯府甯德縣界。迤南為羅源縣東境。又南迤西為連江縣東境。又為閩縣東境。又為長樂縣東境。又西南為福清縣東南境。又西南接興化府莆田縣界。閩江上游曰劍江。自延平府南平縣東北流入界。經古田縣西南為建江。折東南至谷口。左納赤凌溪。右納一小水。折東北至水口受東溪。溪

出縣東北黃居嶺合天平山水西南流甘棠溪
自屏南縣漈下南流來注之又西南左納石馬
山水經翠屏山南富洋溪自屏南縣西東峯山
合牛溪坪溪平湖溪來會又南為東溪至縣南
西溪出縣西北白漈嶺東南流注之折南合石
步坑水又南注建江建江又東南經閩清縣西
北右納大雄溪又東南經府治西北陳溪自閩
清縣東北繙姆山合二小水西南流來注之復
經閩清縣東受梅溪溪上游為瞿雲溪自縣南
合土坡寨倚巒山水北流右納白巖山水折西

北左納峰洋溪及一小水折東北演水溪出縣
西寶峰山合二小水東流注之始為梅溪經治
北而東又東南注建江建江又東南經府治西
北右納龜溪左納大穆溪至白沙驛西南黃石
溪自陳塘溪分支西南流合一小水注之又東
南陳塘溪出西山合昭溪青阨水東蒙溪南流
經傅老峰西右出支渠為黃石溪又南流注之
又東南經府西懷安洲歧為二北派東流合五
峰山水經洪山橋曰洪山江經府治南又東經
閩縣東曰南臺江又東南經鼓山南曰馬頭江

至羅星塔會南派。南派自懷安洲南流合樓梯嶺水。又受大樟溪。溪上游為灌溪。自永春州德化縣東流入界。經永福縣西南。洑溪合大格頭水北流注之。為洑口溪。東洋村水合上下漈水東南流注之。又東游洋溪自興化府仙游縣北來折西北合半月湖水注之。又東北左納龜洋洋溪深溪。經縣治南游洋溪支津亦自其縣北來合杉溪山水北流注之。又東左納梧嶺水右納十八溪水。始為大樟溪。又東北經侯官縣西南注閩江南派。閩江南派又東右納澤苗港水為


澤苗江又東經閩縣南為淘江至螺洲東義溪
合榕溪苦竹溪東北流注之為烏龍江亦曰西
峽江又東北與北派會又東北太平港水自其
南環營前司分流注之至洋嶼左右各納一小
水又東至琅崎島亦曰琅崎江歧為二並東流
入於海連江一曰鳌江上源曰蘇洋溪出古田
縣東細湖頂合白溪卓洋水東南流經羅源縣
西合霍口溪又東南匯溪一曰章溪自古田縣
東老人山屈西南流來注之又東南左納古深
水經連江縣西北是為連江密溪即宦溪自侯

官縣北蓮花山合長箕嶺雪溪諸水屈東北流
注之又東南經縣治西折東北鳳板溪長潭溪
合南流注之又東南至羅崙渡亦曰寶溪經縣
治南復折東北合財溪經東岱司北為岱江入
於海起步溪出羅源縣西北展旗山東南流會
九龍溪又南合羅川又東南入於海龍首河出
福清縣西百丈嶺東流合龍潭山水無患溪澗
溪過縣治南合東臯山水又東南至龍江浦入
於海梅花港一曰陳塘港出長樂縣東金峰山
澗為湖東北流入於海漁溪出福清縣西黃蘖

山東南流右納興化府莆田縣之蘇溪。又東南
為逕江入於海。雙溪二源。一出屏南縣東南水
竹洋。一出縣西北天台頂山。合南流為龜溪。又
合白溪折東南入福甯府甯德縣界。龍漈溪集
溪並在屏南縣南。亦入甯德縣界。鼓山在閩縣
東府東及東南界海。西界延平府。南界興化府。
北及東北界福甯府。西南界永春州。西北界建

甯府

泉州府圖



泉州府在省治西南四百十里至

京師五千二百五十五里領縣五治晉江東北惠安西北南安安溪西南同安海在府東南北接

興化府仙遊縣界。廸南為惠安縣東境又南為

晉江縣東南境又西南為同安縣南境又西南

接漳州府海澄縣界晉江二源一曰桃溪一曰

藍溪桃溪自永春州東南流入界經南安縣西

北至便口右納其州之小姑溪又東南歧為二

並南流右納高田山水復合西南至雙溪口會

藍溪藍溪一曰清溪亦二源西北源為古格嶺

水自龍巖州漳平縣東南流入界經安西縣西北至桃州隘右納梯子嶺水又東北錯入永春州界復經安溪縣西北東南流熊田溪自永春州南流來注之又東南經縣治西曰吳堵溪會西源西源出安溪縣西南北岸山合白葉山留山益溪諸水東北流折南右納龍門嶺水又東曰澳江與西北源合過縣治南又東曰藍溪又東曰羅渡溪又東經南安縣西珠淵汎南左納洞后埔水又東經湖塘汎北支津南出復歧為二一東流為瓷龕溪注蚶江一南流合柏峯山

水為安海港至晉江縣西南合靈源山沿山塘
水經淳美場西入於海其正渠又東至雙溪口
與桃溪會東南流經金雞山北曰金溪又東至
府治南曰晉江又東曰溜石江又東經法石汎
南又東南為蚶江入於海洛陽港水出惠安縣
西北三髻山合嶺東水南流為洛陽港經府治
東南長溪合諸小水南流注之馬山埭水亦注
之自晉江口入於海峯琦港在惠安縣東匯馬
埭龍津南阤驛坂茭溪諸水東入於海添琦港
並在惠安縣東北入於海大溪內水出惠安縣

西北石二嶺北流入興化府仙遊縣界東溪出
同安縣東北大羅山西南流右合曾溪及一小
水又經縣治東而南會西溪西溪出安溪縣西
南龍門嶺東南流經同安縣西北合赤嶺水至
縣治西合蓮花山水又東南與東溪會南流右
合一小水至白嶼入於海竺溪出同安縣西南
深青溪出縣西南夕陽山並東南流入於海蓮
溪出縣東南合鵠山水南流入於海清源山在
府治北府東至南界海西及西南界漳州府北
及東北界興化府西北界永春州

欽定大清會典圖卷一百八十五

輿地四十七

建甯府圖

延平府圖


汀州府圖

建

甯

府

圖



建甯府在省治西北四百九十里至

京師三千四百五十五里領縣七治建安甌甯東北政和松溪浦城西北建陽崇安建溪二源一

曰東溪一曰西溪東溪自浙江處州府慶元縣

西南流入界經松溪縣東北曰松溪西南流經

舊縣南七峯山北清泉溪合直源溪南流注之

又西南經縣治南右納西溪水折南流經政和

縣西又東南七星溪合石龜溪胡屯溪茶溪西

流注之又西南經建安縣東北右納東游溪又

屈曲西流可阬水合東長溪西北流注之又西

南左右各納一小水。至府治南會西溪。西溪上游曰崇溪。出崇安縣東北石臼里。西南流至林溪渡。合分水嶺水。又南流至赤石渡。合漿溪。又南左納梅溪。右納九曲溪。又曲折東南經建陽縣北。曰建溪。左納芹溪。錦溪。經縣東折西南。至縣治南。西溪化龍溪。茗口溪。龍門溪。馬伏溪。諸水合東流來會。曰交溪。又東南右納徐屯溪。又東南經府治甌窩縣西北。柘溪上流為南浦溪。出浦城縣東北柘嶺。合漿溪。獅山水。新溪。郊陽水。駐嶺水。屈西南來會。又東南左納宜均溪。

又東南與東溪會。是為建溪。屈南流經太平驛。
東左納屏風山水。秦溪水又西南百丈溪出甌。
甯縣石山合登仙里水東南流注之。又南右合。
房村溪入延平府南平縣界。武彝山在崇寧縣。
西南府東及東南界福甯府。西至南界延平府。
北及西北界江西廣信府。東北界浙江處州府。


衢州府


延

平

府

圖





延平府在省治西北三百六十里至

京師四千四百七十五里領縣六治南平南尤溪
西南沙縣永安西北順昌將樂大溪自邵武府
邵武縣東南流入界經順昌縣西北富屯驛為
富屯溪至口前順溪自建甯府甌甯縣來西南
流注之經縣治西南會金溪溪上承邵武府泰
甯縣布溪東南來經將樂縣西合常口水竹洲
都水又東南逕黃潭圍屈東南至蛟湖池湖溪
自汀州府歸化縣東北來合南勝都水注之又
東右納三溪都水折東北經縣治東龍池溪出


縣西北張原嶺東南流合沙溪注之。又東安福
溪出縣東北七臺山合婁杉村水南流注之。又
東北合富谷都高灘都水經順昌縣西折東南
與富屯溪會。富屯溪又東右納帽子山水經縣
治南又東經府治西北是為劍溪亦曰西溪左
納鷓鴣溪折南逕王臺鋪東至雙溪口會沙溪
溪上游為清溪自汀州府清流縣東流入界經
永安縣西北合其縣之羅峯溪東南流為燕水
溪左納將樂坑水右納香櫞嶺水大橫阨水迤
東北左納溪源水復折東南吉溪上承汀州府


連城縣曲溪東北來合其縣之瀨溪屈東北合
均嶺礎溪熱水注之又東經縣治西北南溪出
縣南馬山合浮流溪水林田水桂溪西北流注
之折東北左納益溪右納大梅溪大坂水又東
北胡防水大吉溪並自汀州府歸化縣來東南
流注之又東北右納青溪又經沙縣西南為太
史溪至荆村鋪黃田嶺水自永安縣東南合烏
阬豐田洋西溪普賢山棗嶺諸水東北流為西
霞坂水折西北來注之折北至尾歷鋪明溪自
汀州府歸化縣來東流注之又東北右納蔣阬

水經縣治南又東北東溪出縣西北天柱山合枯藤嶺水茂溪幼溪南流注之始為沙溪又東北經馬鋪北至府治西南與西溪會西溪又東大芹溪上承白塔水長沙阬水北流注之經府治南又東北會東溪溪上承建甯府建安縣之建溪水屈西南注之又東南左納吉溪岳溪水右納金鋼嶺水至尤溪口會尤溪溪上流為湖頭溪自永春州大田縣東北流入界經尤溪縣西南高才司西潔頭溪自永春州德化縣來合汶水西北流注之又北左納新橋溪右納莒洋

水寶溪至縣治南。青印溪出縣西北羅巖峯合
麻溪。小溪水東南流注之。是為尤溪。又東北左
納雙髻山水。至下洋。華南溪出縣東南白巖山。
合王阮諸水。東北流注之。又東北左納源湖水。
塔兜水右納資壽溪。納金鷄巖南。又東北至尤
溪口與西溪會。西溪又東北經滄岐驛。左納武
步水。又東北至三都口入福州府古田縣界。瓜
溪出將樂縣西北。入邵武府泰甯縣界。府東及
東南界福州府。西及西北界邵武府。南界永春
州。北及東北界建甯府。西南界汀州府龍巖州。

汀州府圖





汀州府在省治西南九百七十五里至

京師五千一百二十六里領縣八治長汀東連城

東南上杭永定西南武平東北甯化清流歸化

鄞江一名正溪出甯化縣西南亂蘿山西南流

經長汀縣東北合將軍山天井山及二小水經

龍門峽左納梓步溪小湘溪折西北右納天華

山水又西南右納篁竹嶺水經府治南右納溜

棟山水又南左納陳坊水策田水鍾家院水又

南黃風溪合榭坊水及八仙巖諸山水西流注

之屈西南受灌田溪溪出府治西朱紫棟東流

為城溪折南合陂溪又南桃楊隘水合墨石竦
水東流注之又南臘溪合赤土曲上歸洋二水
東北流注之折東左右各納一小水又東南注
鄞江鄞江又西南左納洋角溪西南流小瀾溪
出武平縣北合石子嶺大順溪諸水東流注之
折東南經上杭縣西北左納金山溪右納九華
溪檀溪水又東南經縣治東北會連水水出連
城縣南郎村隘西南流曰豐頭溪岡上水合席
湖隔水自其北來會又西南牛尾嶺南水自長
汀縣合吳家墩水為朋口溪東南流注之又西

南莒溪出縣東南高地山西流合隔口溪里岡
溪西北流注之又西南。荅園溪出縣南赤嶺合
芷溪注之又西南右納新泉溪又經上杭縣東
北右納長汀縣之機頭市水又西南左納九曲
溪苦竹溪水又西南與鄞江會。鄞江又東南經
縣治東南瀨溪上承武平縣之象洞水東北流
注之又東南安鄉水合蜈公嶺水西南流注之。
又南大洋壩水出縣東北分水嶺合永定縣之
豐稔溪諸水西南流注之又東南受永定溪溪
自龍巖州來合文溪西南流武溪合東院東安

龍窟諸水西北流注之。又西南右納涼繳寨水。
左納五指峯水。西南流注鄞江。鄞江又東南入
廣東潮州府大埔縣界。武平溪二源。東北源出
武平縣東北曰大豐溪。西南流。左會當風嶺水。
經縣治東合漁溪下。黃溪為化龍溪。又西南右
納黃沙溪。西北源自江西贛州府會昌縣東南
來。合石徑嶺水。溪頭水來會。是為武平溪。西南
流。巖前水出縣東南。自蛟潭合公壠湖及石灰
州水西北流注之。又西南入廣東嘉應州鎮平
縣界。金豐溪出永定縣東南。巖背山西南流。右

會歧嶺水。又南合南溪新村水。亦入大埔縣界。
清溪上游為大溪。出甯化縣北三都隘。合曾畲
水。彭高水。罕阨水。苦竹嶺水。南流至縣治東南。
西溪出縣西南。狐棲嶺東南流匯為蛟湖。折北
合陳家坑。覺溪水來會。是為大溪。右納官家坊
水。經清流縣西北。始為清溪。左納二小水。右納
安樂水。經縣治北而南。嵩溪合數水南流注之。
至羅口會文川溪。溪出連城縣西南五漈嶺。東
北流合金雞嶺水。張坊水。李坊水。楮嶺水。磜頭
水。又西北至北團東南虎忙嶺水。自長汀縣東

合數小水及牛尾嶺水曲東北流注之復東北
經清流縣治南羅溪自甯化縣東流合李坊溪
注之又東北右納官坊溪注清溪清溪又東入
延平府永安縣界為燕水溪明溪一曰沙洋溪
出歸化縣西五通城東北流過縣北又東合隘
門瀚溪諸水為沙溪南北合三小水又東合夏
陽溪折東南合紫雲台水入延平府沙縣界大
吉溪在歸化縣東南胡坊溪合福西洋水在歸
化縣南並入延平府永安縣界夢溪合芹溪在
清流縣東亦南入永安縣界曲溪出連城縣東

南合褚嶺諸水東北流入永安縣界賴源水合三
東水亦東北出界注之大東溪在連城縣東南入
龍巖州界甯溪出甯化縣西北窯嶺合二水東北
入邵武府建甯縣界貢水在府治西北合二水經
古城司南西北流入江西甯都州瑞金縣界張阤
水在武平縣西北入贛州府會昌縣界馬戰竦水
亦在縣西南入贛州府長寧縣界府東界延平
府西及西北界江西甯都州南界廣東嘉應州
北界江西建昌府東北界邵武府東南界龍巖
州漳州府廣東潮州府西南界江西贛州府

欽定大清會典圖卷一百八十六


輿地四十八


興化府圖

邵武府圖

漳州府圖

興化府圖






興化府在省治南二百六十里至


京師五千一百五里領縣二治莆田西南仙遊海
在府東南北接福州府福清縣界迤南為莆
田縣東境又南為仙遊縣東南境又南接泉
州府惠安縣界仙溪一曰南溪自永春州德化
縣東南流入界經仙遊縣西九雲山南至西臺
西曰大目溪又東南至上湖右會永春州之古
瀨溪又東金沙溪自泉州府南安縣東北來合
石寨嶺六竺山水注之又東大濟溪亦至縣北
來會曰三會溪又東右納神堂溪經縣治南又

東大溪內水一曰南溪。自泉州府惠安縣來北流注之。安吉溪合赤石溪南流注之。又東經府治西南曰木蘭溪。左納九鯉湖支水。又東北經府治南木蘭山分流。左納二小水。折東南至三江口為白湖港入於海。九鯉湖自仙遊縣東北匯銀頂峯水東南流。經莆田縣西南。支津南出注木蘭溪。正渠又東經九華山。南曰延壽溪。又東北折南達涵頭港入於海。萩蘆溪出莆田縣西北廣業里。合張洋水南流。赤溪一曰杉溪。出縣西北祁山。南流合澳溪。御史嶺水折東合楓

溪來注之。又東南為迎仙溪達迎仙港入於海。
楓亭溪出仙遊縣東南合石鏡山水東流匯為
赤湖。又東合沙溪為雙溪港入於海。游洋溪出
仙遊縣北上院山東流歧為二夾潼關而北入
福州府永福縣界注大樟溪壺公山在府治南
府東至南界海西及西北界永春州北及東北
界福州府西南界泉州府。

邵武府圖





邵武府在省治西北六百七十里至

京師四十九百五十七里領縣四治邵武西南建
甯泰甯西北光澤大溪上游為西溪自江西建
昌府新城縣東北流入界經光澤縣西大寺寨
司西南左納小禾山水朱溪水至水口右納陳
溪折北又納大嶺水經縣治北會北溪北溪亦
自江西廣信府鉛山縣西南來經光澤縣東北
雲漈關南又西南合馬鈴隘黃阨阨口諸水至
縣東北漢溪上承江西貴谿縣之冷水阨水南
流注之折南右納峰坳水與西溪會是為交溪

亦名杭川東南流經府治西北始為大溪合田
塅西溪諸小水經治北又東南碎石嶺水自縣
西合古山水雙溪東北流注之又東南右納銅
青溪左納深溪石壁溪經赤岸又東折南右納
密溪至下灑口屈南流左納衛閩溪右納謝坊
溪桃溪又東南經水口司北入延平府順昌縣
界濉江上游曰甯溪自汀州府甯化縣東北流
入界經建甯縣南雲蓋山水合白雲峰水東南
流注之又北金鐃山水合黃嶺水西北流注之
經縣治東又北左納朝天嶺水是為濉江又東


北右納李家山水馮家深溪折東經泰甯縣西
合一水至雙溪口會東溪東溪亦曰大溪上游
曰官坊溪出邵武縣南合延平府將樂縣之瓜
溪即黃溪及數小水西南流經縣治東南折西
與濉江會。濉江折南右納善溪龍安溪水又東
南為布溪入將樂縣界黃土嶺水出建甯縣東
南入汀州府歸化縣界注楓溪大禾山水出光
澤縣西北大禾山西北流入江西建昌府瀘溪
縣界府東及東北界建甯府西及西北界江西
建昌府南及東南界延平府西南界汀州府

漳

州

府

圖



漳州府在省治西南六百八十里至

京師五千五百二十五里領廳一縣七治龍溪南

漳浦東南海澄西南雲霄廳平和詔安東北長

泰西北南靖海在府東南北接泉州府同安縣

界迎南為海澄縣東南境又西南為漳浦縣東

南境又西南為雲霄廳東南境又南為詔安縣

南境又南接廣東潮州府饒平縣界九龍江一

曰柳營江自龍巖州漳平縣東南流入界經龍

溪縣西北華封司西左納石凡山水又東南受

高層溪水折西南三腳窪水亦自其縣東南流

來注之又東南至杳洲渡會龍津溪溪出長泰
縣北林口隘曰林口溪東南流合芹果溪白桐
山水又南支津西北出為高層溪正渠屈南流
合馬洋溪可壠溪折西流經縣治南曰龍津溪
又西至府治東香洲渡與九龍江會九龍江又
南折東為郭溪又東為柳營江又南會南門溪
溪一曰龍江一曰港口江上流為大溪即西溪
出平和縣東北雙髻娘山東北流經南靖縣西
南曰高港折西北經長窖墟西又東北博平嶺
水自龍巖州南流來注之又東南為鯉魚溪為

船場溪琯溪上承平和縣之高山溪小坪山水
南勝溪及高磜水東北流注之又東北經旗尾
渡小溪自龍巖州來合涵溪苦竹水東南流來
會又東經縣治南至府治西又東南流為南門
溪又東南與九龍江會為福河又為錦江分流
經海澄縣東入於海南溪舊曰馬口江出平和
縣東東流經南靖縣南又東經漳浦縣北為巖
前溪右納小溪嶺水又經海澄縣西南倒港歧
為二並東北流達浮宮港入於海李澳川舊曰
南溪出平和縣東南九牙山東流經漳浦縣西

石榴阪折東南右納溫源溪又東北長林溪合
櫛石徑水東南流注之經縣治南又東南左納
上蔡溪水尾巖溪右納茭津口溪達六鰲港入
於海黃如江象運溪並出漳浦縣東北合東流
入於海西林溪出平和縣東南大峯山曰河上
溪東南流經雲霄廳北左納嶺腳水又南龍頭
水自平和縣東流合上河水注之又東南經廳
治北將軍山水合后坑水東北流注之又東南
右納御史嶺水又東南杜潯港自漳浦縣南流
來會曰漳江又東南入於海陳溪出平和縣東

南大峰山西麓曰徐阤溪合天馬山水南流左納下陂溪經詔安縣北左納馬堂水又西南白葉洞水出縣西北霞葛嶺東南流注之折東南左納八仙山水右納赤溪經縣治東歧為二並南流右納窯溪復合為牛母礁入於海大陂溪相見嶺水並出詔安縣東北合南流入於海河頭溪亦出大峰山西麓西北流經縣東合溪出琯寮山自其北來會又西經縣治南又西北大蘆溪小蘆溪合五鳳山水西南流注之又西南入廣東潮州府大埔縣界天寶山在府治西北

府東至北界泉州府西及西南界廣東潮州府
南及東南界海西北界龍巖州汀州府